

736/6

TDV İSAM
Kütüphanesi Arşivi
No ZE - 3339



13.5x20

دار الخرافة العلية

شهزاده باشی — اوقاف اسلامیة مطبعه سی

۱۳۳۵

ماده ۱ — ملی قوت و پراگندگی شرکتی نامیه
بر شرکت تشکیل ایدلشد.

ماده ۲ — شرکت مقصدی افراد اهالی به جدیر امنیت مواد
بقالیه تدارک ایتک و بونلری بالخاصه حصه دارانه ممکن اوله بیلدیکی قدر
اهون فیأنله فروخت ایلکدر .

ماده ۳ — بوشرکت ۱۳۳۳ سنه سی ابتداسندن اعتباراً اون سنه
دوام ایده جکدر .

ماده ۴ — شرکت کندی شرکاسیله مقصد اساسیسه موافق
صورتده اجرای معامله ایده جکی کبی کشاد ایده جکی مغازه ده موجود
مواد بقالیه بی ده سائر افراد اهالی به صاته بیله جکدر .

شرکا و حصه اشتراک

ماده ۵ — تبعه عثمانیه دن اولان و مجلس اداره شرکته تعهداتی
ایفایه مقتدر و شرکتک حدود معاملاتنی داخلنده اقامت ایدن هر شخصک
شرکته حق اشتراکی واردر .

ماده ۶ — بر حصه اشتراک ایکی یوز اللی غر و شدر بومبلغ دفعه
یا خود شهری برنجیسی اوتوز متبایسی یکرمیشر غر و شدن اشاغی
اولماق و بهمه حال برسنده تماماً تسویه ایدلک شرطیله مقسطاً تأدییه
اوله بیلور .

ماده ۷ — شرکا شرکته مودوع سرمایه نك یوزده اوننه تقابل
ایده جک نسبتده حصه اشتراک مالک اوله بیلور لر .

ماده ۸ — حصه اشتراک نامه محرردر .

ماده ۹ — شرکته داخل اولق ایسته یین کیمسه شرکت نظامنامه سی
احکامنی و بونده شرکا ایچون تعیین اولنان حقوق و وظائفی بلا قید
و شرط قبول و شرکتک حال مالیسنه کسب و قوف ایلدیکنه دائر

شرکت مجلس اداره سنه بر بیاننامه اعطا ایلدکن صکره کندیسنگ
ایفای تعهداته اقتدارینه هیئت اداره جه قناعت حاصل اولدیغی تقدیرده
قبول و عکس حالده رد اولنه رق کیفیت تحریراً کندیسنه بیلدیریلیر
قبولی حالده کندیسنه کیفیتک تبلیغی تاریخندن اعتباراً شریک صفتنی
اکتساب ایلر .

ماده ۱۰ — شرکا حصه اشتراک بدلنی تماماً تسویه ایلدیکی حالده
ماده آفنده محرر شروطه توفیقاً آخره فروخت ایده بیلیر .

ماده ۱۱ — اعضای شرکت داخل اولدق لری سال مالی نهایتنه
قدر شرکتن چیقمازلر .

ماده ۱۲ — شرکته صکره دن داخل اولان کیمسه تاریخ
دخولندن اولکی زمانه عائد تعهدات شرکتن دخی شرکای سائر کبی
مسئولدر .

ماده ۱۳ — شرکا معاملات شرکتن طولانی حصه اشتراکندن
فضله سیله مسئول اولماز .

ماده ۱۴ — شرکتن استعفا ایدن هر شریک تاریخ استعفا سندن
صکره ایلک تنظیم ایدیله جک سنه لک پلانچویه یعنی قطع و تصفییه حساب
تاریخنه قدر و وفات کبی شرکت معاملاتنده قابلیت دوامی ازاله ایدر
اسباب طولانی سیله شرکتن چیقان و یا نظامنامه ده مندرج اسبابدن طولانی
چیقاریلانلر یا لکنز تاریخ خروج و اخراج لرینه قدر جریان ایده جک
معاملات شرکتن مسئول اولور لر .

ماده ۱۵ — شرکتن چیقان و چیقاریلان و یا خود وفات ایدن
شرکا تاریخ خروج لرینه قدر حصه اشتراک و نسبت استهلاک لرینه کوره
تمتعندن مستفید اوله جق لردر .

ماده ۱۶ — تقاسیطه مربوط حصه بدلاتندن اوج تقسیطی
تسویه ایتیانلرله برسنه ظرفنده حصه بدلاتنی تماماً اعطا ایده میانلرک
حصه لری اخر طالبنه فروخت اولنه رق ضرر حاصل اولورسه ضرر

واقع ایام متأخره فائض نظامیسیله برابر تقسیطی ویرمیان شریکک مودوع حصه اشتراکندن محسوب اولنور .

ماده ١٧ — شرکت منافعی اخلال ایده جک افعال وحرکاتده بولنان هر شریک مجلس اداره قراريله شرکندن اخراج اولنور

مجلس اداره

ماده ١٨ — شرکتک بالجمله مقاولات وتعهدات ومبايعات وعلی العموم معاملاتنک تدویری وحسابات سنویه سنک تنظیمی شرکادن اوچ کشیدن مرکب بر مجلس اداره یه محولدر .

ماده ١٩ — مجلس اداره وظائف مذکورهدن مقاولات وتعهدات اجراسنی طوغریدن طوغری یه و خصوصات سائره یی مدیر شرکت وساطتيله اجرا ایلر .

ماده ٢٠ — مجلس اداره شرکتک بدایت تشکیلندن شرکای موجوده وسنین آتیهدده هیئت عمومی طرفندن برسنه مدته ایفای وظیفه ایتک اوزره اکثریت مطلقه ايله تعیین اولنور .

ماده ٢١ — مجلس اداره ایلک اجتماعنده مجلسه ریاست و هیئت عمومیه و مجلس اداره جه اتخاذ قراره غیر مقتدر اولان و ماده نک فقره ثانیه سنده کوستریلان کافه معاملات شرکتی تدویر وتمشیت و مجلس اداره نامنه اوراق لازمییه وضع امضا ایتک اوزره ایچلرندن برینی مدیر انتخاب وتعیین ایلرلر .

ماده ٢٢ — مجلس اداره لااقل هفتهده بردفعه اجتماع وشرکته اشتراک طلبنده بولنانلرک اوصافی تدقیق وامور معاملات عمومییه یی تفتیش وتعقیب وبتون شرکتک محتاج مشاوره کوردیکی خصوصاتی مذاکره ایدر .

ماده ٢٣ — مجلس اداره اعضاسی هیئت عمومیه منعقد اولدینی زمان استعفا ایده مزلر .

هیئت عمومیه

ماده ٢٤ — شرکتک حصه سنه مالک اولوب بدلرینی تمامآ تسویه ایتیش بولنان شرکاسی هر سنه نیسان طرفنده صورت آتیهدده عقد اجتماع ايله هیئت عمومییه یی تشکیل ایلرلر .

ماده ٢٥ — هیئت عمومیه مجلس اداره ومفتش طرفندن لزوم کوردلکجه صورت فوق العاده ده دخی اجتماعه دعوت اولنه بیلیر

ماده ٢٦ — هیئت عمومیه اجتماعدن لااقل بر هفته مقدم غزته لرله اعلان اولنق صورتيله اجتماعه دعوت اولنور بودعوت اعلاننده مذاکره اولنه جق مسائل تعداد ایدیلیر و هیئت عمومیهدده بو مسائل ايله مفتش راپوری مجلس اداره ومفتشک مسؤلیت وتبذیل واستعفا سی کیفیتلری مذاکره ایدیلیر یوم اجتماعدن لااقل اون بش کون اول شرکای مقیده نک اوندبری طرفندن تکلیف ایديله جک مسائلک روزنامه یه ادخالی مجبوریدر .

ماده ٢٧ — معذرت مشروعه سنی اثبات ایتدکجه شرکادن هیچ بری کندی طرفندن هیئت عمومییه وکیل کوندره مز کرک شرکادن و کرک خارجدن تعیین ایديله جک اولان بو وکیل بشقه سنک وکالتنی حائر اوله مز .

ماده ٢٨ — دعوت واقعه اوزرینه قاچ شریک مراجعت ایدرسه هیئت عمومیه انلردن تشکل ایدر

ماده ٢٩ — هیئت عمومییه شرکای موجوده نک اکثریت آرای مطلقه سیله انتخاب اولنه جق ذات ریاسب ایدر .

ماده ٣٠ — نظامنامه اساسی سنک تعدیلی ومدت شرکتک انقضاسی حالنده تمدید و مجلس اداره ومفتش وتصفیه مأمورلرینک انتخاب وعزلی وشرکت پلانچوسنک وکار وضرر حساباتنک تدقیق وقبولی وتمتع وضررله شرکتک فسخ وانفساحی حالنده موجود وبقیه دیوننک صورت توزیع وتقسیمی وضرر حاصل اولدینی صورتده

احتياط سرمايه سنك وجه استعمالی و شركتک سائر شركتله اشتراك و اتحادي و شركتک فسخى حصواتنه منحصرأ هيئت عموميه قرار ويرر.
 ماده ۳۱ - هيئت عموميه مذاكراتی بر دفتر مخصوصه قيد وزيری هيئت عموميه رئيسيله يکيدن انتخاب اولنه جق مجلس اداره اعضاسندن بری و شرکای موجوده دن ايکيسي طرفدن امضا ايديلير هيئت عموميه نك هر اجتماعنده حاضر بولنان حصه دارانك اساميسنى حاوی بر جدول مخصوص تنظيم اولنه رق مذکور ضبط دفتري نك اوکونکی ورقه سنه ربط اولنور.

ماده ۳۲ - هيئت عموميه جه اتخاذ اولنان مقررات غائب اولان و يا مخالف رأیده بولنان شرکا ايچون دخی مجبورالاتباعدر.

امر وفتيش

ماده ۳۳ - شركتک بدايت تشکلنده شرکای موجوده وسنين آتيه ده هيئت عموميه طرفدن کرک شرکا و کرک خارجدن مجلس اداره اعضاسيله اوچنجی درجه يه قدر قرابت نسبيه و ايکنجی درجه يه قدر قرابت صهریه سی اوليان بر ذات مفتش انتخاب و تعين اولنور.

ماده ۳۴ - مفتش شركتک بالجمله معاملات و اداره سنى و دفاتر و قيوداتی و موجوداتی شرکانك هيئت عموميه سی نامنه فتيش ايدر.

ماده ۳۵ - مفتش فتيشات واقعه سی نتایجی هر اوچ آیده بر کره مجلس اداره رئيسه بيلايرر و هيئت عموميه يه و يريه جك حساباتی و سنه لك پلانچويي و توزيع و تقسيمی تکليف اولنه جق کار و ضرر مقداریي تدقيق و اشبو تدقيقات نتایجيله شرکت معاملاتنك صورت اداره و طرز جریانی حقنده راپور تنظيم ايده رك هيئت عموميه يه اعطا ايدر بو راپور موجود اولدجه هيئت عموميه جه پلانچوسنك تصدیقنه و کار و ضررک توزيعنه قرار اعطا ايديله من.

ماده ۳۶ - مفتش معاملات شرکته کوردیکی يولسز معاملاتنك تصحيحی مجلس اداره دن طلب ايدر.

سال مالی تمتع و ضررک صورت تقسيمی

ماده ۳۷ - شركتک دوره حسابيه سی بر سنه کامله در هر سنه نك ختامی متعاقب حسابات قطع و سنه آتیه نیسانی ابتدا سنه قدر پلانچو تنظيم اولنه رق شهر نیسان طرفنده اجتماع ايده جك هيئت عموميه يه عرض اولنور و بر صورتیده اجتماعدن لا اقل اون کون اول مفتشه توديع اولنور.

ماده ۳۸ - پلانچو هيئت عموميه جه تصدیق ايدلا کدن صکره تعين ايدن تمتعادن مصارف بعدالتنزيل صافی کارک يوزده اونندن نقصان و يوزده يکر می بشندن زياده اولماق اوزره هيئت عموميه جه تعين ايديله جك مقداری احتياط سرمايه سنه و يوزده بشی مجلس اداره اعضاسنه و يوزده اونى حصص اشتراکه و متباقيسی ده شرکانك مقدار استهلاكته نسبتله توزيع و تقسيم اولنور.

ماده ۳۹ - احتياط اچيه سی شركتک محتمل ضررینی اطفا ايچون افزاز اولنور ضرر حاصل اولديغی صورتده هيئت عموميه جه صورت استعمالی حقنده اتخاذ اولنه جق قراره کوره استعمال اولنور.

ماده ۴۰ - معاملات شرکتن ضرر حادث اولديغی صورتده ضرر واقع احتياط اچيه سندن تضمين ايديلير. عدم کفایتی حالنده سنه آتیه تمتعاندن تسويه اولنمق اوزره سال آتی حسابنه دور اولنور.

ماده ۴۱ - شرکته عائد اعلانات بايختنده تورکجه منتشر جرائد يوميه دن بريله اجرا اولنور

